

Saksprotokoll i fylkesutvalet - 01.02.2018

Jon Askeland, Sp, sette på vegner av Sp, A, KrF og SV fram slikt forslag:

- a) «Nytt punkt, før fylkesrådmannen sitt forslag punkt 1:
Fylkesutvalet meiner jordbruksforhandlingane må styrkja inntektene på dei små,- og mellomstore bruka.
- b) Nytt punkt, mellom fylkesrådmannen sitt forslag punkt 4 og 5:
Fylkesutvalet tilrår at investeringsmidlane til landbruket vert auka.
- c) Nytt punkt, etter fylkesrådmannen sitt forslag punkt 10:
Fylkesutvalet tilrår at tiltak mot attgroing vert vektlagt.»

Røysting

Askeland sitt forslag (a) fekk 9 røyster (A, Sp, KrF, SV, MDG) og vart vedteke.

Fylkesrådmannen sitt forslag punkt 1-4 vart samrøystes vedteke.

Fylkesrådmannen sitt forslag punkt 5-10 vart samrøystes vedteke.

Askeland sitt forslag (b) fekk 10 røyster (A, Sp, KrF, SV, MDG, V) og vart vedteke.

Askeland sitt forslag (c) vart samrøystes vedteke.

Vedtak

1. Fylkesutvalet meiner jordbruksforhandlingane må styrkja inntektene på dei små,- og mellomstore bruka.
2. Fylkesutvalet anbefaler at det blir satsa på kunnskap, kompetanse og andre tiltak som styrker rekrutteringa til landbruket.
3. Fylkesutvalet meiner at verkemidlane i landbrukspolitikken må vere tilpassa ulikt ressursgrunnlag og regionale forskjellar for å sikre drift i heile landet.
4. Fylkesutvalet anbefaler at det blir etablert eit Program for klimatilpassing for landbruket på Vestlandet og at dreneringstilskot blir tilpassa etter regionale forhold.
5. Fylkesutvalet anbefaler at det blir satsa på eit nasjonalt utviklingsprogram for frukt- og bær dyrking som legg særleg vekt på auka kompetanse, endringar i klima, nye dyrkingsteknikkar og auke i økologiske produksjonar.
6. Fylkesutvalet tilrår at investeringsmidlane til landbruket vert auka.
7. Fylkesutvalet anbefaler at ein større del av avtalemidlane og investeringsmidlane vert forvalta regionalt, for å målrette dei betre.
8. Fylkesutvalet meiner at rammene for nyinvestering i landbruket må ta høgde for regionale skilnader i bruksstruktur, topografi og klima og at investeringsmidlane vert forvalta regionalt.
9. Fylkesutvalet meiner at det bør leggjast til rette for auka berekraftig avverking og uttak av biomasse frå skog og auke i grad av vidareforedling nasjonalt og lokalt.
10. Fylkesutvalet anbefaler å vidareutvikle bygdenæringane i Hordaland gjennom nyskaping og innovasjon.
11. Fylkesutvalet meiner det er trong for forskning som er tilpassa regionale forhold og at regionane difor bør få tilgang til forskingsmidlane som avsettas gjennom jordbruksavtalen.

12. Fylkesutvalet meiner FoU knytt til grønne skifte og bioøkonomi bør intensiverast og at det bør leggst til rette for meir samarbeid på tvers av bransje og sektorar.
13. Fylkesutvalet tilrår at tiltak mot attgroing vert vektlagt.